

'mṛitamayaḥ sambhūya devatā apyeti ya evaṃ veda yaś  
caivam vidvān etena yajñakratunā yajate || 22 || ॥

1 Devāsura vā eshu lokeshu samayatanta. te vā asurā  
imān eva lokān puro 'kurvata, yathaujīyāṃso baliyāṃsa  
evaṃ. te vā ayasmayīm evemām akurvata rajatām anta-  
rikshaṃ harinīm divaṃ, te tathemāṇl lokān puro 'kurvata.  
te devā abruvan: puro vā ime 'surā imāṇl lokān akrata,  
pura imāṇl lokān pratikaravāmahā iti. tatheti. te sada evā-  
syāḥ pratyakurvataḥnīdhrām antarikshād dhavirdhāne di-  
vas. te tathemāṇl lokān puraḥ pratyakurvata 2 te devā  
abruvann: upasada upāyāmopasadā vai mahāpuraṃ jayantīti.  
tatheti. te yām eva prathamām upasadam upāyaṃs tayai-  
vainān asmāl lokād anudanta, yām dvitīyām tayāntarikshād,  
yām tṛtīyām tayā divas. tāṃs tathaibhyo lokebhyo 'nudanta  
3 te vā ebhyo lokebhyo nuttā asurā ṛitūn aśrayanta. te  
devā abruvann: upasada evopāyāmeti. tatheti. ta imās ti-  
sraḥ satir upasado dvir-dvir ekaikām upāyaṃs, tāḥ shat  
samapadyanta. shad vā ṛitavas. tān vā ṛitubhyo 'nudanta  
4 te vā ṛitubhyo nuttā asurā māsān aśrayanta. te devā  
abruvann: upasada evopāyāmeti. tatheti. ta imāḥ shat satir  
upasado dvir-dvir ekaikām upāyaṃs, tā dvādaśa samapa-  
dyanta. dvādaśa vai māsās. tān vai māsebhyo 'nudanta  
5 te vai māsebhyo nuttā asurā ardhamāsān aśrayanta. te  
devā abruvann: upasada evopāyāmeti. tatheti. ta imā dvā-  
daśa satir upasado dvir-dvir ekaikām upāyaṃs, tāḥ ca-  
turviṃsatir samapadyanta. caturviṃsatir vā ardhamāsās.  
tān vā ardhamāsebhyo 'nudanta 6 te vā ardhamāse-  
bhyo nuttā asurā ahorātre aśrayanta. te devā abruvann:  
upasadāv evopāyāmeti. tatheti. te yām eva pūrvāḥṇa  
upasadam upāyaṃs tayaivainān abno 'nudanta, yām apa-  
rāḥṇe tayā rātres; tāṃs tathobhābhyām antarāyaṃs 7 tasmāt  
supūrvāḥṇa eva pūrvayopasadā pracaritavyaṃ svaparāḥṇe